

ՊԱՅՄԱՆԱԳԻՐ N ԴՄ-04

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«26» 01 2024թ.

Հայաստանի Հանրապետության սննդամթերքի անվտանգության տեսչական մարմինը, ի դեմս ղեկավար Արմեն Հայրապետյանի (այսուհետ՝ Պատվիրատու), որը գործում է Պատվիրատուի կանոնադրության հիման վրա, «Հանրապետական անասնաբուժասանիտարական և բուսասանիտարական լաբորատոր ծառայությունների կենտրոն» ՊՈԱԿ-ն ի դեմս տնօրեն Արման Գևորգյանի (այսուհետ՝ Կատարող), որը գործում է կազմակերպության կանոնադրության հիման վրա, և և Վարչապետի աշխատակազմը, ի դեմս աշխատակազմի ղեկավարի տեղակալ Արմենակ Խաչատրյանի (այսուհետ՝ Վճարող) (այսուհետ՝ միասին՝ Կողմեր), հիմք ընդունելով Հայաստանի Հանրապետության կառավարության 2023 թվականի դեկտեմբերի 28-ի «Հայաստանի Հանրապետության 2024 թվականի պետական բյուջեի կատարումն ապահովող միջոցառումների մասին» N 2323-Ն որոշումը (այսուհետ՝ Որոշում), բյուջետային ծախսերի գործառական դասկարգման 04 բաժնի, 02 խմբի, 01 դասի «1213. Տեսչական վերահսկողության ծրագիր» ծրագրի «11013. Գյուղատնտեսական մշակաբույսերի և բույսերի պաշտպանության միջոցների վերահսկողություն՝ լաբորատոր փորձարկումների միջոցով» միջոցառման (այսուհետ՝ Ծրագիր) իրականացման նպատակով կնքեցին սույն պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

1.1 Պայմանագրով Վճարողը պարտավորվում է Ծրագրի իրականացման նպատակով Պայմանագրի 4.1 կետով սահմանված կարգով Կատարողին հատկացնել Որոշմամբ նախատեսված 27,810,000.00 (քսանյոթ միլիոն ութ հարյուր պասը հազար) ՀՀ դրամ (ներառյալ Ավելացված արժեքի հարկը)՝ ՀՀ 2024 թվականի պետական բյուջեով հաստատված տարեկան հատկացումների եռամսյակային (աճողական) բաշխվածությանը համապատասխան ամսական համամասնություններով՝ համաձայն N 3 հավելվածի, իսկ Կատարողը պարտավորվում է Ծրագիրն իրականացնել Որոշմամբ և Պայմանագրով սահմանված կարգով:

1.2. Կատարողի կողմից իրականացվելիք Ծրագրով նախատեսված միջոցառումները (այսուհետ՝ Միջոցառումներ), ներկայացված են Պայմանագրի N 1 հավելվածում:

2. Կողմերի իրավունքները և պարտավորությունները

2.1 Պատվիրատուն իրավունք ունի՝

2.1.1 ցանկացած ժամանակ ստուգելու Կատարողի կողմից իրականացվող Ծրագրի ընթացքը՝ առանց միջամտելու վերջինիս գործունեությանը,

2.1.2 Որոշմամբ սահմանված պահանջներին չհամապատասխանելու դեպքում չընդունելու իրականացված Միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կատարողից պահանջելու վճարել Պայմանագրի 5.2 կետով նախատեսված տուգանքը,

2.1.3 առանց իրականացված Միջոցառումների արդյունքների դիմաց Վճարողի կողմից գումար վճարելու՝ միակողմանի լուծելու Պայմանագիրը և պահանջելու հատուցել պատճառված վնասները, իսկ գումարը փոխանցված լինելու դեպքում նաև պահանջելու Վճարողին հետ վերդարձնել փոխանցված գումարը, եթե՝

ա. Կատարողը ժամանակին չի սկսում Ծրագրի իրականացումը, կամ Ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

բ. իրականացված Միջոցառումները չեն համապատասխանում Ծրագրով սահմանված պահանջներին,

2.1.4 Պայմանագիրն ՀՀ օրենսդրությամբ կամ Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ Միջոցառումների արդյունքները,

2.1.5 Կատարողից պահանջել ներկայացնելու Ծրագրի կատարման վերաբերյալ եռամսյակային հաշվետվություններ մինչև հաշվետու եռամսյակին հաջորդող ամսվա 15-ը և տարեկան ամփոփ հաշվետվություն՝ մինչև հաջորդող տարվա փետրվարի 1-ը, ինչպես նաև հաշվետվություն դրամաշնորհի նկատմամբ հաշվարկված ավելացված արժեքի հարկի հաշվարկման և վճարման վերաբերյալ՝ մինչև հաշվետու ժամանակաշրջանին հաջորդող ամսվա 20-ը: Ներկայացվող հաշվետվությունների համար ուղեցույց են հանդիսանում ՀՀ ֆինանսների նախարարի 2019 թվականի մարտի 13-ի N 254-Ն հրամանով հաստատված ձև Հ-2-ը, Հ-4-ը, Հ-8-ը ձևերը:

2.2 Կատարողն իրավունք ունի՝

2.2.1 Վճարողի կողմից գումարները չվճարելու դեպքում միակողմանի լուծելու Պայմանագիրը և պահանջելու հատուցել իրեն պատճառած վնասները:

2.3 Պատվիրատուն պարտավոր է՝

2.3.1. Ծրագրով նախատեսված դեպքերում աջակցել Կատարողին,

2.3.2. իրականացնել Ծրագրով նախատեսված այլաշխատանքներ,

2.3.2. իրականացված Ծրագրի մասին ներկայացված հաշվետվությունների վերաբերյալ համապատասխան որոշում ընդունել դրանք ստանալուց հետո 5 աշխատանքային օրվա ընթացքում: Եթե ներկայացված հաշվետվությունների համաձայն իրականացված Միջոցառումները համապատասխանում են Ծրագրի և Պայմանագրի պահանջներին, ապա դրանք ընդունվում են:

2.4 Կատարողը պարտավոր է՝

2.4.1. իրականացնել Ծրագրի շրջանակներում Վճարողի կողմից տրամադրված գումարների՝ հաշվապահական հաշվառման N 20 ստանդարտի դրույթներին համապատասխան հաշվառում,

- 2.4.2. Պայմանագրով նախատեսված ֆինանսական միջոցներն օգտագործել Ծրագրով և (կամ) Պայմանագրով սահմանված նպատակներով ու չափաքանակներով,
- 2.4.3. կատարել Պատվիրատուի կողմից բացահայտված թերությունների վերացման նպատակով տրված ցուցումները,
- 2.4.4. Պայմանագրով սահմանված կարգով Պատվիրատուին, վերջինս էլ՝ Վճարողին ներկայացնել Միջոցառումների իրականացման մասին հաշվետվություններ, իսկ Ծրագրի ավարտից հետո՝ ամփոփ հաշվետվություն,
- 2.4.5. Պայմանագրի գործողության ընթացքում ապահովել Ծրագրի իրականացմանը վերաբերող փաստաթղթերին ծանոթանալու Վճարողի և Պատվիրատուի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,
- 2.4.6. Պատվիրատուի կողմից առանձին Միջոցառումների իրականացման մասին հաշվետվությունները չընդունվելու դեպքում Կատարողը պարտավորվում է անվճար՝ Պատվիրատուի կողմից սահմանված ողջամիտ ժամկետում վերացնել արձանագրված անհամապատասխանությունները,
- 2.4.7. Հայաստանի Հանրապետության օրենսդրությամբ սահմանված կարգով և ժամկետներում Պատվիրատուին, վերջինս էլ՝ Վճարողին ներկայացնել տեղեկություններ Պայմանագրի շրջանակներում հաշվարկված և պետական բյուջե վճարված ավելացված արժեքի հարկի գումարների վերաբերյալ, Պայմանագրի 1.1 կետում նախատեսված գումարում ներառված ավելացված արժեքի հարկի գծով հատկացումները չեն կարող ուղղվել այլ նպատակների, և չօգտագործված գումարները 2024 թվականին ենթակա են վերադարձման ՀՀ պետական բյուջե:
- 2.4.8. Ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» օրենքով սահմանված կարգով՝ պետության կարիքների համար կատարվող գնումների կանոններին համապատասխան,
- 2.4.9. Պայմանագրով նախատեսված Միջոցառումների տարեկան արդյունքները Պատվիրատուի կողմից ընդունվելուց հետո՝ Միջոցառումների իրականացման արդյունքում առաջացած տնտեսումները /խնայողությունները/ վերադարձնել ՀՀ պետական բյուջե ոչ ուշ, քան մինչև 2024 թվականի դեկտեմբերի 20-ը:

3. Պայմանագրի արդյունքի հանձնման և ընդունման կարգը

3.1 Պայմանագրի արդյունքն ընդունվում է Պատվիրատուի և Կատարողի միջև հանձնման-ընդունման ակտի ստորագրմամբ (հավելված N 4):

Մինչև Պայմանագրով ստանձնված պարտավորությունների կատարման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ հանձնման-ընդունման ակտը և հաշվետվությունը:

3.2 Եթե իրականացված Միջոցառումը համապատասխանում է Պայմանագրի պայմաններին, Պատվիրատուն Պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 5 աշխատանքային օրվա ընթացքում ստորագրում և Կատարողին է տրամադրում իր կողմից ստորագրված հանձնման-ընդունման ակտը:

3.3 Եթե իրականացված Միջոցառումը կամ դրա մի մասը չի համապատասխանում Պայմանագրի պայմաններին, ապա Պատվիրատուն չի ստորագրում հանձնման-ընդունման ակտը և Պայմանագրի 3.2 կետում նշված ժամկետում Կատարողին հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար Պայմանագրով նախատեսված միջոցները և Կատարողի նկատմամբ կիրառում է Պայմանագրով նախատեսված պատասխանատվության միջոցներ:

3.4 Եթե Պայմանագրի 3.2 կետով սահմանված ժամկետում Պատվիրատուն չի ընդունում Պայմանագրի 3.1 կետում նշված փաստաթղթերը կամ չի մերժում դրա ընդունումը, ապա իրականացված Միջոցառումը համարվում է ընդունված և Պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից ստորագրված հանձնման-ընդունման ակտը:

4. Վճարման կարգը և ժամկետները

4.1. Կատարողը յուրաքանչյուր ամսվա համար, մինչև տվյալ ամսվան հաջորդող ամսվա 15-ը, դուրս է գրում հարկային հաշիվ և տրամադրում է հանձնման-ընդունման ակտ կատարված աշխատանքների համար: Հարկային հաշվի գումարը, սույն Պայմանագրով սահմանված դրամաշնորհի գումարի հաշվին, հաշվարկվում է Կատարողի տվյալ ամսվա փաստացի (հաշվեգրված) կատարված ծախսերի չափով: Տարեկան կտրվածքով հարկային հաշիվների հանրագումարը չի կարող գերազանցել 1.1 կետում նշված գումարը:

4.2. Կատարողին վճարումները կատարվում են անկանխիկ ձևով, յուրաքանչյուր ամիս՝ 1.1 կետով սահմանված համամասնությամբ:

5. Կողմերի պատասխանատվությունը

5.1 Կատարողը պատասխանատվություն է կրում Պայմանագրով ստանձնած պարտավորությունների չկատարման կամ ոչ պատշաճ կատարման համար:

5.2 Ծրագրին չհամապատասխանող պարտավորություն իրականացնելու յուրաքանչյուր դեպքում Կատարողից գանձվում է տուգանք՝ Պայմանագրի 1.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև Պայմանագիրը սահմանված ժամկետներում կատարելու, սակայն Վճարողի և Պատվիրատուի կողմից չընդունվելու, ինչպես նաև հաշվետվությունները Պայմանագրով սահմանված ժամկետներում չներկայացնելու դեպքերում:

5.3 Պայմանագրով նախատեսված ծրագրի կատարման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ Պայմանագրի 1.1 կետում նախատեսված գումարի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծրագրի իրականացման արդյունքում Կատարողին վճարման ենթակա գումարների հետ:

Տույժը հաշվարկվում է աշխատանքային օրերով՝ Պայմանագրի չկատարված մասի գնի նկատմամբ:

5.5 Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.6 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. Պայմանագրի գործողության ժամկետը

6.1 Պայմանագիրն ուժի մեջ է մտնում Կողմերի ստորագրման պահից, տարածվում է 2024 թվականի հունվարի 1-ից ծագած իրավահարաբերությունների վրա և գործում է մինչև Կողմերի ստանձնած պարտավորությունների ամբողջ ծավալով կատարումը:

6.2. Պայմանագրի պայմանները կիրառվում են մինչև պայմանագիրն ուժի մեջ մտնելը կողմերի միջև փաստացի ծագած հարաբերությունների նկատմամբ: Ընդ որում, մինչև պայմանագիր կնքելը կատարողի կողմից մատուցված ծառայության դիմաց վճարումը իրականացվում է այդ պայմանագիրը ՀՀ ֆինանսների նախարարության կողմից հաշվառված լինելու դեպքում:

7. Անհաղթահարելի ուժի ազդեցությունը (ՖՈՐՍ-ՄԱԺՈՐ)

7.1 Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

8. Եզրափակիչ դրույթներ

8.1 Պայմանագրի համար 1-ից 4-րդ հավելվածները հանդիսանում են Պայմանագրի անբաժանելի մաս:

8.1. Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով Պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է իր պաշտոնական՝ sound.am կայքում՝ նշելով հրապարակման ամսաթիվը:

Կատարողը, Պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը Պատվիրատուն այն ուղարկվում է նաև Կատարողի էլեկտրոնային փոստին:

8.2 Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

8.3 Պայմանագիրը կնքվում է երեք օրինակից, որոնք ունեն հավասարազոր իրավաբանական ուժ: Յուրաքանչյուր Կողմին տրվում է Պայմանագրի մեկ օրինակ:

8.4 Պայմանագրով նախատեսված պարտավորությունների չկատարման հետ կապված, ինչպես նաև Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

9. Կողմերի հասցեները, բանկային վավերապայմանները և ստորագրությունները

Պատվիրատու	Կատարող	Վճարող
<p>ՀՀ սննդամթերքի անվտանգության տեսչական մարմին</p> <p>Հասցե՝ ք. Երևան, 0051, Կոմիտասի պող. 49/2</p> <p>ՀՎՀՀ 00454227</p> <p>Ղեկավար՝</p> <p>ԱՐՄԵՆ ՀԱՅՐԱՊԵՏՅԱՆ</p> <p></p> <p>Կ.Տ.</p> <p></p>	<p>«Հանրապետական անասնաբուժասանիտարական և բուսասանիտարական լաբորատոր ծառայությունների կենտրոն» ՊՈԱԿ</p> <p>Հասցե՝ ք.Երևան, 0041, Էրեբունի 12</p> <p>ՀՀ ՖՆ գործառնական վարչություն</p> <p>Հ/Հ 900018006149</p> <p>ՀՎՀՀ 00403436</p> <p>Տնօրեն՝</p> <p>ԱՐՄԵՆ ԳԵՎՈՐԳՅԱՆ</p> <p>Կ.Տ.</p> <p></p>	<p>Վարչապետի աշխատակազմ Հասցե՝ ք. Երևան, 0010, Հանրապետության Հրապարակ, Կառավարական տուն 1</p> <p>ՀՀ ՖՆ գործառնական վարչություն</p> <p>Հ/Հ 900011041937</p> <p>ՀՎՀՀ 02505554</p> <p>Աշխատակազմի ղեկավարի տեղակալ՝</p> <p>ԱՐՄԵՆԱԿ ԽԱՀԱՏՐՅԱՆ</p> <p></p> <p>Կ. Տ.</p> <p></p>

ՄԻՋՈՍԱՌՈՒՄՆԵՐ

Դրամաշնորհի միջոցների հաշվին իրականացվող միջոցառման					
Անվանումը	Նկարագիրը	Կազմակերպության կողմից կատարման ենթակա գործողությունները	Ակնկալվող արդյունքները և դրանց գնահատման չափանիշները	Միջոցառման իրականացման վերջնաժամկետը	Պահանջվող գումարը (<< դրամ)
Գյուղատնտեսական մշակաբույսերի և բույսերի լաբորատորիայի միջոցների լաբորատոր փորձարկումների միջոցով	Բույսերի կարանտին օրգանիզմների, հիվանդությունների, վնասատուների նկատմամբ վերահսկողության սահմանում, թունաքիմիկատների բացասական ազդեցության վերահսկում ինչպես բույսերի, այնպես էլ մարդկանց առողջության վրա	Նախատեսվում է իրականացնել փորձանմուշների լաբորատոր հետազոտություններ առավել վտանգավոր վնասակար օրգանիզմների և թաքնված վարակի հայտնաբերման նպատակով, <<< տարածքում գործող վաճառքի կետերում իրացվող թունամիջոցների ազդող նյութի որոշման թվով 5500 լաբորատոր փորձաքննություններ	Ծրագրի լիարժեք իրագործումից ակնկալվում է կարանտին, առավել վտանգավոր վնասակար օրգանիզմների և թաքնված վարակի հայտնաբերման, <<<-ում վաճառքի կետերից վերցված թունամիջոցների նմուշներում ազդող նյութերի որոշման հավաստիության 90-95%-ի ապահովում	31.12.2024թ.	27,810,000.0
					27,810,000.0

ԸՆԴՈՒՄՆԵՐ

ՊԱՏՎՈՐԱՏՈՒ

<< անդամների միջոցով
 մատչելիության տեսչական
 մարմին

Հասցե՝ ք. Երևան, 0051,
 Կոմիտասի պող. 49/2

ՀՎՀՀ 0045427

Ղեկավար
 ԱՐՄԵՆ ՀԱՅՐԱՊԵՏՅԱՆ

(ստորագրություն)

Կ. Տ.



ԿԱՏԱՐՈՂ

«Հանրապետական անասնաբուժասանիտարական և բուսասանիտարական լաբորատոր ծառայությունների կենտրոն»

ՊՈԱԿ

Հասցե՝ ք. Երևան, 0041, Էդեբունի 12
 ՀՀ ՖՆ գործարանական վարչություն

Հ/Հ 9000180006149

ՀՎՀՀ 00403436

Ստորին
 ԱՐՄԵՆ ԳԵՎՈՐԳՅԱՆ

(ստորագրություն)

Կ. Տ.



ԿԱՏԱՐՈՂ

Վարչապետի աշխատակազմ

Հասցե՝ ք. Երևան, 0010,
 Հանրապետության Հրապարակ,

Կատարական տուն 1
 ՀՀ ՖՆ գործարանական վարչություն

Հ/Հ 900011041937

ՀՎՀՀ 02505554

Աշխատակազմի ղեկավարի տեղակալ
 ԱՐՄԵՆԱԿ ԽԱՉԱՏՐՅԱՆ

(ստորագրություն)

Կ. Տ.



Դրամաշնորհային հաշվետվություն N _____

1. Ընդհանուր տեղեկատվություն

Ծրագրի անվանում	
Դրամաշնորհի N	
Դրամաշնորհատու կազմակերպություն	
Դրամաշնորհառու կազմակերպություն	
Ծրագրի իրականացման ժամանակահատված	
Հաշվետու ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները:

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

ՎՃԱՐՄԱՆ ՔԱՄԱՆԱԿԱՅՈՒՅՑ*

Հավելված N 3
2024 թվականի 07.21-ին
կնքված N ՂԱ-04 պայմանագրի

(ՀՀ դրամ)

Հրավերով նախատեսված չափաբանի համարը	Մ բյուջեի պետական նախատեսված (ՀԲԿ) կոդը	Անվանումը	Բյուջետային ծախսերի տեսակագիտական դասակարգման հորիզոնը	Միջոցառման կատարման դիմաց վճարումները նախատեսվում է իրականացնել 2024 թ-ին՝ ըստ ամիսների, այդ թվում՝							Ընդամենը					
				հունվար	փետրվար	մարտ	ապրիլ	մայիս	հունիս	հուլիս		օգոստոս	սեպտեմբեր	հոկտեմբեր	նոյեմբեր	դեկտեմբեր
1	999999999/	Գյուղատնտեսության վնասվածքների և բույսերի պաշտպանության միջոցների՝ վերահսկողություն՝ լաբորատոր փորձարկումների միջոցով	4637-Ընթացիկ դրամաշրջանառության պետական և համայնքների ոչ արևոտային կազմակերպություններին	1,668,600	3,337,200	5,005,800	7,323,300	9,640,800	11,958,300	14,275,800	16,593,300	18,910,800	21,877,200	24,843,600	27,810,000	27,810,000.0

* Վճարման ենթակա գրանրկները ներկայացված են անդրական կարգով:

ՊԱՏՎԻՐԱՏՈՒ

ՀՀ սննդամթերքի անվտանգության

տեսչական մարմին

Հասցե՝ ք. Երևան, 0051,

Կոմիտասի պող. 49/2

ՀՎՀՀ 00454228

Ղեկավար՝
ՄԻՍԵՆ ՀԱՐՍԻՍԵՍԱՆ
(ստորագրություն)
Կ. Տ.



ԿԱՏԱՐՈՂ

«Հանրապետական

անասնաբուժաբանություն և

բուսաբանությունների կենտրոն»-ՊՈԱԿ

Քաղաքային կենտրոնի կենտրոն»-ՊՈԱԿ

Հասցե՝ ք. Երևան, 0041, Էրեբունի 12

ՀՀ ՖՆ գործառնական վարչություն

Հ/Հ 900018006149

ՀՎՀՀ 00403436

Տնօրեն՝
ԱՐՄԵՆ ԲԵՎԻՐՅԱՆ
(ստորագրություն)
Կ. Տ.



ՎՃԱՐՈՂ

Վարչապետի աշխատակազմ

Հասցե՝ ք. Երևան, 0010,

Հանրապետության Հրապարակ,

Կառավարական տուն 1

ՀՀ ՖՆ գործառնական վարչություն

Հ/Հ 900011041937

ՀՎՀՀ 02505554

Աշխատակազմի ղեկավարի տեղակալ՝
ԱՐՄԵՆԱԿ ԻՆՃՆՏՐՅԱՆ
(ստորագրություն)
Կ. Տ.



Կատարող

գտնվելու վայրը _____
ՀՀ _____
ՀՎՀՀ _____

Պատվիրատու

գտնվելու վայրը _____
ՀՀ _____
ՀՎՀՀ _____

ԱԿՏ N
ՊԱՅՄԱՆԱԳՐԻ ԿԱՍ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

« _____ » « _____ » 20 թ.

Պայմանագրի /այսուհետ՝ _____ Պայմանագիր/ անվանումը՝ _____

Պայմանագրի կնքման ամսաթիվը՝ « _____ » « _____ » 20 թ.
Պայմանագրի համարը՝ _____
Պատվիրատուն և Կատարողը՝ հիմք ընդունելով պայմանագրի կատարման վերաբերյալ ներկայացված ----- հաշվետվությունը, կազմեցին սույն ակտը հետևյալի մասին.
Պայմանագրի շրջանակներում Կատարողը իրականացրել է հետևյալ միջոցառումները՝

N	Իրականացված միջոցառման						Վճարման ենթակա գումարը /հազար դրամ/	Վճարման ժամկետը /ըստ պայմանագրի/
	անվանումը	գործառույթի համառոտ նկարագիրը	արդյունքը		կատարման ժամկետը			
			ըստ պայմանագրի	փաստացի	ըստ պայմանագրի	փաստացի		

Սույն ակտի երկկողմ հաստատման համար հիմք հանդիսացած հաշիվ ապրանքագիրը և հաշվետվությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն

Կ.Տ.

Ծառայությունն ընդունեց

ստորագրություն

ազգանուն, անուն

Կ.Տ.